



*Kamis, 21 April 2022*  
**Ogen: Hakim-hakim 5:7**



**Reh Desken Sekalak Nande**



Pernah lit sekalak serayan Tuhan (pendeta), ia sekalak diberu si idilo Dibata erkiteken kecelakan. Bas paksa e, lawes ia ibonceng sekalak permata ras anakna si umur 1 tahun dengan ku tiga. Atena nukur susu man anakna e. Mulihna nukur susu, muat masuk ku simpang ku kutana, lit motor meter, iantukna kereta pandita e. Pandita ndai nggo ampar bas pasar mbiring e, dakepna anakna ndai. Kondisi pandita e kritis, tapi asum itolong kalak ia, sangana dakepna anakna ndai. Kepeken bas masa tabraken e, refleks ia iutamakenna keselamatan anakna, emaka anak ndai la lit sitik pe lukana, amin gia nandena arus mereken nyawa guna nelamatkan ia.

Bageme naluri keibuan katawari pe atena ngepkep anakna i bas mara bahaya nari. Labo min kerina nande bage, tapi perbapan pe lit nge naluri keleng atena man anakna. Tapi erkiteken hubungan batin ras manusia tubuh bas bertin nande nari maka ikataken naluri keibuan. Debora reh desken sekalak nande si ipake Tuhan ngepkep bangsa Israel. I bas ia reh desken sekalak nande man bangsa Israel, kai dage ibahanna? La ia egois, lit pengorbanen ras la lit keragu-raguan i bas ia nampati bangsa Israel gelah pulah bas musuh nari. Erkiteken si e, maka Debora ipujiken, sabap alu pimpinenna pang bangsa e ngelawan musuh ras imenangken Tuhan i bas peperangen.

Bas masa-masa gundari e, perlu kal sifat ras karakter Debora e i bas persadan-persadanta, terutama bas jabu. Dampak kemajuan jaman ras kemudahen komunikasi gundari enda, kepe ngurangi kualitas hubungenta secara personal (hati ke hati) ras kalak si kelengi kita. Erbana-bana, merhaten ngalo asa mere ras mekisat si sampat-sampaten, em kebiaken si mbue turah gundari e. Padahal apai pe kita suin nge, perlu kita sosok si reh desken nande si nambari, si mpepalem ras mpenahangi baban mberat enda. Tuhan jadi gegehta